


# Rumantsch sco lingua naziunala

Ils 20 da favrer 1938 è il rumantsch vegnì reconuschì sco quarta lingua naziunala

DA MARTIN CABALZAR

■ **Precis oz avant 75 onns è il rumantsch vegnì reconuschì en ina votaziun memorabla sco quarta lingua naziunala. E quai cun ina maiortad fenomenala da 572 129 vuschs cunter 52 267 vuschs. En terra rumantscha han ins schizunt laschè tutgar ils zains per questa chaschun da giubel e legria.** Entant che la Svizra ha acceptà cun 91,6 pertschient la proposta da cussegl federal e parlament ha il suveran grischun (ils umens) acceptà il project cun 92,7 pertschient. En auters chantuns è la cumpart da las vuschs acceptantas anc stada pli auta. Singulas vischnancas rumantschas han votà serradamain per il project. A Pigniu èn schizunt 100 pertschient dals votants stads a votar ed han acceptà il project unanimamain.

Era sche il rumantsch è stà durant lung temp la lingua la pli derasada en il Grischun, sco lingua uffiziala vegniva dentant duvrà per gronda part il tudestg. Quai è er betg sa midà suenter l'adhesiun dal Grischun a la Svizra l'onn 1803. Pir 1880 vegnì discurrì en la Constituziun chantunala da trais linguas uffizialas. En la Constituziun federala da 1848 e 1874



**La situaziun dal rumantsch vegn anc indeblida entras la spartiziun da la lingua en differents idioms.**

MAD

na vegn il rumantsch betg menziunà. La confruntaziun cun il tudestg, cunzunt en connex cun l'industrialisaziun e l'avertura turistica, ha effectua ina ferma digren dal rumantsch.

Il postulat ch'il rumantsch stuess daventar lingua naziunala

fixada en la Constituziun federala nascha pir al cumenzament dal 20avel tschientiner. Pliras uniuns per la promoziun da la lingua èn vegnidas fundadas. Cumbattì per il rumantsch sin palancà politic han cunzunt Otto Gieré, Sep Mudest Nay e Giuseppe Condrau e

pli tard *Martin Bundi*. La Quotidiana dad oz tracta quest eveniment istoric ord pliras perspectivs ed ha pledentà ils actuals represchentants da la Rumantschia davart l'avegnir dal rumantsch.